



Broj: UP/I-05-21-14-1/24
Datum: 30.01.2024.godine

Ministarstvo poljoprivrede, šumarstva i vodoprivrede Hercegovačko-neretvanskog kantona/županije, na osnovu člana 56. Zakona o vodama Hercegovačko-neretvanskog kantona/županije („Službene novine HNK“, broj:06/2013) i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“, broj: 31/15,55/19, 41/20 i 63/22), dana 30.01.2024.godine daje sljedeće

OBAVJEŠTENJE
o podnesenom zahtjevu za izdavanje PRETHODNE VODNE SAGLASNOSTI

Ministarstvo poljoprivrede, šumarstva i vodoprivrede, a po zahtjevu grada Mostara koji je isti podnio ovom organu dana 24.01.2024.godine, je pokrenulo postupak za izdavanje Prethodne vodne saglasnosti za izradu projektne dokumentacije za Revitalizaciju rekreacione zone Bunica – rekonstrukcija glavnog pješačkog mosta i izgradnja tri pješačka mosta na lokalitetu označenom kao k.č. 1665, k.č. 1290, k.č.1289, k.č. 1299, k.č.1270, k.č 1668/2, k.č. 1296 sve K.O. Buna grad Mostar.

Podaci o podnesenom zahtjevu:

<i>Broj zahtjeva:</i>	UP/I 05-21-14/24
<i>Podnosilac zahtjeva:</i>	Odjela za urbanizam i građenje/gradnju grada Mostara
<i>Lokalitet:</i>	Vodotok Bunica, grad Mostar
<i>Vrsta objekta/aktivnosti</i>	Revitalizacija rekreacione zone Bunica – rekonstrukcija glavnog pješačkog mosta i izgradnja tri pješačka mosta na lokalitetu označenom kao k.č. 1655, k.č. 1290, k.č.1289, k.č. 1299, k.č.1270, k.č 1668/2, k.č. 1296 sve K.O. Buna grad Mostar.
OPIS OBJEKTA / AKTIVNOSTI : U sklopu projekta Revitalizacija rekreacione zone Bunica planirana je i rekonstrukcija glavnog pješačkog mosta i izgradnja tri pješačka mosta na lokalitetu označenom kao k.č. 1655, k.č. 1290, k.č.1289, k.č. 1299, k.č.1270, k.č 1668/2, k.č. 1296 sve K.O. Buna grad Mostar. U koritu rijeke Bunice, u zoni kupališta, se nalaze dvije ade, a između njih se nalaze tri rukavca rijeke Bunice. I lijeva i desna obala rijeke Bunice kao i obod oko ostrva su zaštićeni obaloutvrdama. Do ada se dolazi drvenim mostovima, a u ovom slučaju su projektovana tri pješačka mosta raspona od 8,0 do 11,0 m. Osnovna konstrukcija	

mosta je čelična rešetkasta od valjanih profila tako da rešetka istovremeno služi i kao ograda. Mostovi se oslanjaju na betonske obalne stubove preko jednostavnih čeličnih ležišta.

Rekonstrukcija glavnog pješačkog mosta sa ustavama za kontrolu protoka vode rijeke Bunice planirana je da poboljša kvalitet postojećeg. Most je projektovan kao armirano-betonski sa slobodnim profilom za pješački saobraćaj od 250,0 cm između svojih metalnih ograda. Stubovi mosta će se ukliještiti u postojeći betonski trakasti temelj pomoću šipova okruglog presjeka, prečnika 200,0 mm, dužine 4,0 do 6,0 m. Brana sa ustavama je projektovana kao nezavisna konstrukcija koja se oslanja na stubove AB mosta i podiže prostim mehaničkim vitlom. Kako bi se smanjio pritisak vode na pojedine klapne ustave, iste su smanjenog gabarita, dimenzija 200-150 cm, tako da je most izgrađen sa većim i gušćim brojem stubova.

Sva zainteresovana lica, svoje eventualne primjedbe, prijedloge i sugestije po ovom pitanju, mogu u roku od 5 dana od dana objavljivanja ove obavjesti u dnevnom glasilu dostupnom na području HNK/Ž dati usmeno na zapisnik u prostorijama Ministarstva ili dostaviti u pisanom obliku neposredno ili putem pošte na sljedeću adresu: Ministarstvo poljoprivrede, šumarstva i vodoprivrede; Ul. Hrvatske mladeži bb 88000 Mostar.



Dostavljeno:

- oglasna ploča MPŠV HNŽ/K
- web stranica MPŠV HNŽ/K
- a/a